

Bosna i Hercegovina

**BRČKO DISTRIKT**  
Bosne i Hercegovine

**VLADA BRČKO DISTRIKTA**

Odjeljenje/Odjel za raseljena lica/osobe,  
izbjeglice i stambena pitanja



Босна и Херцеговина

**БРЧКО ДИСТРИКТ**  
Босне и Херцеговине

**ВЛАДА БРЧКО ДИСТРИКТА**

Одјелјење за расељена лица,  
избјеглице и стамбена питања

Ислахијет бр. 7. 76100 Брчко дистрикт БиХ, Телефон: 049/218-696. Факс: 049/218-696.

[www.bdccentral.net](http://www.bdccentral.net)  
[oziri@bdccentral.net](mailto:oziri@bdccentral.net)

Ислахијет бр. 7. 76100 Брчко дистрикт БиХ, Телефон: 049/218-696. Факс: 049/218-696.

**Broj predmeta:** 13-002485/18  
**Broj akta:** 11-0366ZL-001/18  
Datum, 3.8.2018. godine  
Mjesto, Brčko

Šef Odjeljenja za raseljena lica, izbjeglice i stambena pitanja Vlade Brčko distrikta BiH, na osnovu člana 21. Zakona o Vladi Brčko distrikta Bosne i Hercegovine – prečišćeni tekst („Službeni glasnik Brčko distrikta BiH“, broj 22/18) i člana 12. stav (2) Uputstva o načinu dodjele pomoći, odabira korisnika i realizaciji projekata za stambeno zbrinjavanje Roma u Bosni i Hercegovini – prečišćeni tekst, broj: 01-39-2937-1/13 od 14. 1. 2014. godine, raspisuje

## **JAVNI POZIV** **za podnošenje prijava na realizaciji Projekta za stambeno zbrinjavanje Roma** **u Brčko distriktu Bosne i Hercegovine**

Pomoć za stambeno zbrinjavanje Roma dodjeljuje se u okviru implementacije projekta „**Poboljšanje stambenih uslova u stambenim jedinicama u kojima žive Romi na području Brčko distrikta BiH**“.

Ukupna vrijednost Projekta za stambeno zbrinjavanje Roma iznosi **90.000,00 KM**, koji se finansira sredstvima Ministarstva za ljudska prava i izbjeglice BiH uz učešće Brčko distrikta BiH.

Pomoć za stambeno zbrinjavanje Roma dodjeljuje se za **sanaciju cca 12 stambenih jedinica**.

Konačan broj korisnika koji će ostvariti pravo na poboljšanje uslova stanovanja zavisit će od stepena oštećenja stambenog objekta i raspoloživih novčanih sredstava.

### **KORISNICI POMOĆI**

Pomoć se može dodijeliti pripadnicima romske nacionalne manjine, porodici ili zajedničkom domaćinstvu (u daljnjem tekstu: korisnici).

Zajedničkim domaćinstvom se smatraju korisnici koji su članovi porodice i osobe sa zajedničke kućne liste s mjestom stanovanja, odnosno prebivalištem na istoj adresi, a što dokazuju kućnom listom i CIPS prijavom za punoljetne osobe, odnosno rodnim listom za maloljetne osobe s kućne liste.

Prijavu za dodjelu pomoći mogu podnositi nosioci romskog domaćinstva (ili njegov punoljetni član) u potrebi za stambenim zbrinjavanjem **koji nisu ranije koristili pomoć za izgradnju i rekonstrukciju stambene jedinice dovoljnu za dovođenje stambene jedinice u minimum stambenih uslova, a nemaju stambenu jedinicu uslovnu za stanovanje.**

## ODABIR KORISNIKA

Odabir korisnika vršit će se na osnovu rangiranja po:

1. osnovnim kriterijima i
2. posebnim kriterijima.

### *1. Osnovni kriteriji za utvrđivanje rang-liste korisnika pomoći su:*

1. broj članova i starosna dob članova zajedničkog domaćinstva;
2. mjesto prebivališta do 1992. godine;
3. mjesto prebivališta nakon 1992. godine;
4. priznato pravo na socijalnu zaštitu u skladu sa važećim zakonima u BiH, pri čemu ovaj kriterij nije eliminatoran;
5. zdravstveni status korisnika i članova njegovog domaćinstva;
6. obrazovni status korisnika i članova porodice;
7. vlasnički/posjedovni status nad stambenom jedinicom za koju se podnosi prijava.

### *2. Posebni kriteriji za utvrđivanje rang-liste korisnika pomoći su:*

1. vrednovanje stambenog statusa korisnika s tim da se provjerava uslovnost stambene jedinice uvidom na licu mjesta;

Na osnovu osnovnog i posebnog kriterija korisnici se razvrstavaju po prioritetima za dodjelu pomoći na način da se sačinjava:

- Rang-lista za dodjelu pomoći za poboljšanje uslova stanovanja u individualnim kućama.

Maksimalan broj bodova koji se može dodijeliti potencijalnom korisniku po osnovnim i posebnim kriterijima zajedno iznosi 215 bodova, i to:

1. po osnovnim do 135 bodova,
2. po posebnim do 80 bodova.

Ukoliko više potencijalnih korisnika ostvaruje isti ukupan broj dodijeljenih bodova, prednost imaju korisnici koji pripadaju većem broju grupa u okviru kategorije ranjivih lica u stanju socijalne potrebe.

Ako više potencijalnih korisnika ostvaruje isti broj dodijeljenih bodova i pripadaju istom broju grupa u okviru kategorije ranjivih lica u stanju socijalne potrebe, sljedeći kriterij je broj članova porodice (višečlane porodice imat će prednost).

Ako se i nakon primjene gore navedenih kriterija više potencijalnih korisnika nalazi na istoj poziciji na listi, primjenjivat će se kriterij uslovnosti stambene jedinice koja će biti utvrđena komisijskim uvidom na licu mjesta.

### **BODOVANJE KORISNIKA PO OSNOVNIM KRITERIJIMA:**

a) Broj članova i starosna dob članova zajedničkog domaćinstva.....	do 60 bodova
b) Prijavljeno prebivalište do 1992. godine.....	20 bodova
c) Prijavljeno prebivalište od 1992. do 2002. godine.....	10 bodova
nakon 2002. godine.....	5 bodova
d) Zdravstveni status.....	do 20 bodova
e) Korisnik socijalnog prava.....	do 20 bodova

f) Obrazovanje.....do 15 bodova

#### **A1. Bodovanje korisnika prema kriteriju pod a)**

(1) Za članove i starosnu dob članova zajedničkog domaćinstva utvrđuje se do 60 bodova, i to:

- za svakog punoljetnog člana zajedničkog domaćinstva dodjeljuje se..... 5 bodova

- za svakog maloljetnog člana zajedničkog domaćinstva dodjeljuje se.....10 bodova.

(2) U slučaju da broj i starosna dob članova domaćinstva prelazi maksimalno utvrđeni broj bodova, dodatni bodovi se ne dodjeljuju.

(3) Broj i starosna dob članova zajedničkog domaćinstva dokazuje se: **CIPS obrascima izdatim od nadležnog organa i izvodima iz matične knjige rođenih (maloljetne osobe), za svakog člana zajedničkog domaćinstva s ovjerene kućne liste s izjavom.**

**CIPS obrasce i izvode iz matične knjige rođenih za maloljetne osobe (za koje je mjesno nadležan Brčko distrikt BiH) Komisija će pribaviti po službenoj dužnosti.**

#### **A2. Bodovanje prema kriteriju pod b) i c):**

Bodovanje se vrši na osnovu **uvjerenja/potvrde o kretanju podnosioca zahtjeva izdate od nadležnog organa, ne starije od 6 mjeseci (ovaj dokaz Komisija će pribaviti po službenoj dužnosti).**

#### **A3. Bodovanje prema kriteriju pod d):**

(1) Kada potencijalni korisnik i/ili član(ovi) zajedničkog domaćinstva pripadaju određenim kategorijama u stanju socijalne potrebe, utvrđuje se do 20 bodova, i to za pripadnost svakoj od sljedećih grupa pojedinačno:

a) Osobe sa tjelesnim i/ili mentalnim invaliditetom/onesposobljenjem i civilna žrtva rata .....do 10 bodova

b) Zdravstveno stanje (hronična oboljenja)..... do 10 bodova.

(2) Kada više osoba s ovjerene kućne liste pripada istoj ranjivoj kategoriji, bodovi se dodjeljuju samo jednoj osobi.

(3) Pripadnost naprijed navedenim grupama se **dokazuje rješenjem/uvjerenjem nadležne institucije, a hronično oboljenje specijalističkim nalazom.**

#### **A4. Bodovanje prema kriteriju pod e):**

(1) Kada potencijalni korisnik i/ili član(ovi) zajedničkog domaćinstva pripadaju ranjivim kategorijama stanovništva kojima je usljed posebnih okolnosti potrebna socijalna zaštita, utvrđuje se **do 20 bodova**, i to za pripadnost svakoj od sljedećih grupa pojedinačno:

a) Korisnici socijalnih davanja..... 10 bodova

b) Samohrani roditelji i staratelji ili hranitelji porodice.....10 bodova

c) Nezaposlene osobe..... 5 bodova

d) Penzioneri ..... 5 bodova.

(2) Ukoliko potencijalni korisnik i/ili član(ovi) zajedničkog domaćinstva pripadaju u više grupa iz prethodnog stava, broj bodova se dodjeljuje samo po osnovu pripadnosti u dvije od četiri pobrojane grupe.

(3) Kada više osoba s ovjerene kućne liste pripada istoj ranjivoj kategoriji bodovi se dodjeljuju samo jednoj osobi.

(4) Pripadnost naprijed navedenim grupama se dokazuje **rješenjem/uvjerenjem nadležne institucije (Centra za socijalni rad, Biroa/Zavoda za zapošljavanje), penzijskim čekom, ne starijim od 6 mjeseci.**

#### **A5. Bodovanje prema kriteriju pod f):**

(1) Kada potencijalni korisnik i/ili član(ovi) zajedničkog domaćinstva osiguravaju redovno obrazovanje djece i kada su i sami stekli određeni stepen obrazovanja ili se nalaze u procesu sticanja određene kvalifikacije ostvaruju **do 15 bodova**, na osnovu potvrda nadležnih obrazovnih institucija.

a) za obrazovanje djece..... 10 bodova

b) za obrazovanje – sticanje kvalifikacije roditelja, odnosno staratelja ..... 5 bodova.

(2) Kada više osoba s ovjerene kućne liste pripada istoj kategoriji, bodovi se dodjeljuju samo jednoj osobi.

(3) Pripadnost naprijed navedenim grupama se dokazuje **uvjerenjem/potvrdom o redovnom školovanju, diplomom/svjedočanstvom o završenoj školi.**

#### **A6. Vlasnički/posjedovni status**

**Vlasnički/posjedovni status nad stambenom jedinicom za koju se podnosi prijava Komisija će provjeriti po službenoj dužnosti.**

### **B. BODOVANJE KORISNIKA PO POSEBNOM KRITERIJU KAKO SLIJEDI:**

#### **Napomena**

Uslov za bodovanje po posebnim kriterijima jeste provjera uslova stanovanja korisnika putem službenih dokumenata i na osnovu uvida na licu mjesta (zapisnik s obilaska terena nadležne Komisije).

U svrhu **poboljšanja** uslova stanovanja korisniku se utvrđuje **do 80 bodova** kada potencijalni korisnik boravi u stambenoj jedinici koja odstupa od minimuma stambenih uslova, i to:

a) I. kategorija oštećenja – manja ulaganja  
.....do 15%.....10 bodova

a) II. kategorija oštećenja – znatna ulaganja  
.....15 - 40%.....30 bodova

c\*) III. kategorija oštećenja – veća ulaganja  
.....40 - 60%.....50 bodova

d\*) IV. kategorija oštećenja – obimna ulaganja  
.....60 - 80%.....60 bodova

e\*) V. kategorija oštećenja – izgradnja novog objekta  
.....100%.....80 bodova.

**\*Napomena:** Potrebna je u pravilu izgradnja potpuno novih stambenih jedinica.

## **PROCEDURA ODABIRA KORISNIKA**

Procedura odabira korisnika vršit će se u skladu s Uputstvom o načinu dodjele pomoći, odabira korisnika i realizaciji projekata za stambeno zbrinjavanje Roma u Bosni i Hercegovini – prečišćeni tekst, broj: 01-39-2937-1/13 od 14. 1. 2014. godine.

Odabir korisnika, odnosno izradu preliminarne rang-liste vrši Komisija imenovana od strane gradonačelnika Brčko distrikta BiH.

Nakon što prvostepena komisija formira liste korisnika, iste će biti javno istaknute na oglasnoj ploči Vlade Brčko distrikta BiH i lokalne romske zajednice s naznačenim pravom i rokom za prigovor.

Pravo na prigovor imaju svi učesnici na javnom pozivu i ostala zainteresovana treća lica ukoliko postoje indicije da pojedini kandidati s preliminarne rang-liste ne ispunjavaju uslove na način kako su vrednovani u preliminarnoj rang-listi. Prigovor se putem prvostepene komisije podnosi drugostepenoj komisiji, u roku od 15 dana od dana javnog oglašavanja liste korisnika.

Javni poziv otvoren je 30 dana i traje **od 9. 8. 2018. do 7. 9. 2018. godine** i bit će objavljen na oglasnim pločama Vlade Brčko distrikta BiH, Odjeljenja za raseljena lica, izbjeglice i stambena pitanja, Pododjeljenja za socijalnu zaštitu – Centra za socijalni rad Brčko, lokalne romske zajednice te na web stranici [www.bdcentral.net](http://www.bdcentral.net).

## **NAČIN PODNOŠENJA PRIJAVE**

Kandidat će prijavu s dokazima o ispunjavanju osnovnih i posebnih kriterija dostaviti u zatvorenoj koverti u zgradu Vlade Brčko distrikta BiH – Bulevar mira br. 1, na šalter broj 9, svakim radnim danom od 07.30 do 15.00 sati ili poštom na adresu: Vlada Brčko distrikta BiH, Odjeljenje za raseljena lica, izbjeglice i stambena pitanja, Bulevar mira br. 1, poštanski broj 76100 Brčko, s naznakom: „**ZA JAVNI POZIV U OKVIRU PROJEKTA STAMBENOG ZBRINJAVANJA ROMA U BRČKO DISTRIKTU BiH – NE OTVARAJ**“.

**Obrazac Prijave/Izjave** se može preuzeti na infopultu u zgradi Vlade Brčko distrikta BiH – Bulevar mira br. 1, kao i na internet stranici [www.bdcentral.net](http://www.bdcentral.net).

**V.D. ŠEFA ODJELJENJA**

---

**Zijad Lugušić, dipl. oec.**

### **DOSTAVITI:**

1. Za oglasnu ploču Vlade
2. Za oglasnu ploču Odjeljenja za raseljena lica, izbjeglice i stambena pitanja
3. Za oglasnu ploču Centra za socijalni rad
4. Za oglasnu ploču lokalne romske zajednice
5. Za web portal
6. Evidenciji
7. Arhivi.

